



舊抄本

崇禎五十年宰相傳

崇禎五十宰相傳

宰相年表序

人臣至宰相極矣君道之盛衰由於相業之隆替史記以來班班可考也雖其間世代不同氣數亦異要不得曰下不能獲乎上人不能勝乎天焉相臣者亦將如之何哉若乃君擇臣臣亦擇君此區區廢采之末非所語於相臣也以十七年之帝祚而相者至五十人此五十人者不可謂非天地之貽以禎榦祖宗之滋以培養也

倦圃老人重訂



歷三百載以來拔之乎千萬人之上而富貴利達功烈
泯焉無以副當守之勤求即無以厭海內之想望遂使
感時傷事者痛心疾首無所用其責備不得已咨嗟歎
息徒歸咎於人主以爲求治太急輕於用人始則失之
不明繼且失之慎^不破格而終於痼推誠而伏以奸用舍
進退之間幾幾乎惟日之不足迨煬竈燎原之後國破
家亡同歸於盡君不任受過臣亦不任受罪是非不章
本末罔究悠悠千古誰寔辨之嗟乎朕非亡國之君諸
臣皆亡國之臣帝不專為相臣言也而以言相臣豈有

辭焉爰自即位之初迄於殉難之日凡備顧問歷殿閣
者一一考載之今後之人君有以觀覽云爾

宰相年表

天啟七年丁卯

是為即位之歲以明年改元

十一月左柱國少傅吏部尚書中樞殿大學士黃立
極馳驛回里 十二月以太子太保禮部尚書朱宗
道吏部左侍郎楊景辰入閣辦事 起陞禮部侍郎
李標周道登吏部侍郎錢龍錫諭德劉鴻訓俱為禮
部尚書兼東閣大學士

崇禎元年戊辰

三月加少師兼太子太師吏部尚書中樞殿大學士

施鳳來為太傅張瑞圖為太保俱馳驛回里 起復
左柱國少師兼太子太師吏部尚書中樞殿大學士
韓爌 五月少師兼太子太師吏部尚書中樞殿大
學士李國楮馳驛回里 六月來宗道楊景辰馳驛
回里 加李標周道登錢龍錫劉鴻訓太子太保進
文淵閣 十二月劉鴻訓革職 韓爌入朝

二年己巳

正月周道登致仕 黃立極被察 施鳳來楊景辰
閑住 張瑞圖來宗道議處 十月陞吏部侍郎成

基命為禮部尚書兼東閣大學士 錢龍錫回里
十一月起復少師兼太子太師兵部尚書文華殿大
學士孫承宗督師出鎮通州 十二月以禮部尚書
何如寵錢象坤侍郎周延儒入閣辦事

三年庚午

加成基命太子太保進文淵閣 韓爌李標回里
錢龍錫削籍 加孫承宗太傅回里 加何如寵錢
象坤周延儒太子太保進文淵閣 六月以詹事府
禮部尚書溫體仁吳宗達入閣辦事 七月加溫體

仁吳宗達太子太保進文淵閣 九月成基命回里
十一月加何如寵周延儒少保進武英殿
四年辛未

何如寵錢象坤回里 李國楮卒

五年壬申

加協理尚書鄭以偉太子少保入閣辦事 禮部尚
書徐光啟進東閣大學士 加周延儒少保吏部尚
書進建極殿 溫體仁吳宗達少保改戶部尚書進
武英殿 周道登卒

六年癸酉

周延儒馳驛回里 鄭以偉卒 加溫體仁少保吏
部尚書進建極殿吳宗達吏部尚書進建極殿徐光
啟太子太保進文淵閣 召何如寵不至 陞禮部
侍郎王應熊何吾駒爲尚書兼東閣大學士 召南
京禮部錢士升入閣辦事

七年甲戌

加溫體仁吳宗達少師進中極殿王應熊何吾駒錢
士升太子太保進文淵閣

八年乙亥

王應熊馳驛回里 七月陞少詹事文震孟改刑部

左侍郎張至發為禮部左侍郎入閣辦事 十一月

何吾駟文震孟回里 吳宗達回里

九年丙子

錢士升馳驛回里 欽取禮部尚書孔貞運黃士俊

賀逢聖禮部左侍郎林鈞入閣辦事 陞張至發禮

部尚書 五月林鈞卒 十一月加孔貞運黃士俊

賀逢聖太子太保進文淵閣 吳宗達文震孟卒

十年丁丑

六月溫體仁馳驛回里 黃士俊回里 八月陞吏

部侍郎劉宇亮詹事傅冠為禮部尚書右僉都御史

薛國觀為禮部侍郎同入東閣辦事

十一年戊寅

張至發賀逢聖回里 孔貞運回里 陞薛國觀為

禮部尚書 改戶部尚書程國祥兵部尚書楊嗣昌

升協理侍郎方逢年工部侍郎蔡國用俱為禮部尚

書兼東閣大學士 陞大理寺少卿范復粹為禮部

侍郎入閣辦事 劉宇亮傳冠進文淵閣 溫體仁
卒 改劉宇亮為兵部尚書賜尚方劍督察各鎮兵
馬 傅冠方逢年回里

十二年己卯

程國祥回里 加薛國觀蔡國用范復粹太子太保
戶部尚書進文淵閣 劉宇亮回里 八月楊嗣昌
賜尚方劍督師 欽進禮部右侍郎姚明恭協理侍
郎張四知戎政侍郎魏炤乘俱為禮部尚書兼東閣
大學士 程國祥卒 加薛國觀蔡國用范復粹少

保吏部尚書進武英殿 加姚明恭太子太保戶部
尚書進文淵閣張四知太子太保戶部尚書魏炤乘
太子太保

十三年庚辰

蔡國用卒 姚明恭回里 欽進太子少保吏部尚
書謝陞禮部左侍郎陳演兼東閣大學士 加楊嗣
昌太子太保 加謝陞少傅進建極殿 薛國觀閑
住

十四年辛巳

范復粹回里 楊嗣昌卒於任 四月召周延儒張
至發賀逢聖 八月薛國觀賜死 何如寵卒 十
月周延儒賀逢聖入朝張至發不至 加周延儒少
師兼太子太師進中樞殿張四知少傅吏部尚書進
武英殿魏炤乘太子少傅戶部尚書陳演禮部尚書
俱進文淵閣

十五年壬午

正月召周延儒賀逢聖謝陞入殿上降拜 四月謝陞削
籍 命周延儒視師累加太師 賀逢聖張四知魏

炤乘馳驛回里 陞陳演戶部尚書進武英殿 六
月以禮部侍郎蔣德璟詹事黃景昉戎政尚書吳牲
為部部尚書兼東閣大學士 十一月召王應熊入
朝賜金幣還

十六年癸未

加陳演蔣德璟黃景昉太子少保 五月以侍讀魏
藻德入閣辦事 周延儒回里六 月陞魏藻德禮
部侍郎 八月徵周延儒聽勘 九月欽進少詹事
李建泰為禮部尚書左副都御史方岳貢為禮部右

侍郎入閣辦事 十二月周延儒賜死 吳牲遣戍
十七年甲申

正月以禮部尚書丘瑜工部尚書范景文入閣辦事
改李建泰爲兵部尚書加太子少保督師 二月
蔣德璟致仕 進魏藻德禮部尚書文淵閣總督河
道屯練方岳貢戶部尚書兼兵部尚書文淵閣總督
漕運屯練 三月許陳演乞休 李建泰被執 京
師陷范景文死之 陳演魏藻德方岳貢丘瑜皆以
擄掠死

論曰甚哉遇合難之也古有有其人而無其時者矣若
之何有其時而非其人乎倘所謂遇合抑亦僥倖焉非
若薦天受錄夢卜載車而求也者願以莫之致而委之
也哉余昔從諸君子游先後出處知之甚詳竊嘆諸臣
類皆一時大有爲之才視庸流萬輩相去甚遠而旋登
政地不免持祿固寵無能爲主上畫一籌以致人事盡
乖天意莫挽或及身而隳或旋踵而敗功名喪失家國
淪亡至今回憶往事宛如白首宮人細數開元天寶間
遺事不僅爲君臣傷遇合也豈不惜哉

宰相列傳序

余既序相臣年表年表之義紀時不紀事也雖出處之
次第固詳而進退之始末顯未恐無以槩生平以示後
世於是考之國史叅之見聞畧舉其大端著為列傳分
為六則而系之以臆斷焉

宰相列傳一

韓爌

孫承宗

李標

周道登

錢龍錫

劉鴻訓

何如龍

錢士升

文震孟

張至發

賀逢聖

范景文

韓爌蒲州籍泰州人壬辰進士以庶吉士官禮部侍郎

庚申陞尚書入東閣知經筵累進左柱國少師兼太子

太師孤介醜直清修無欲當紅丸議起禮部尚書孫慎

行以包藏禍心忝舊輔方從哲爌以耳目聞見深明其

不然既秉正以嫉邪又不為黨同伐異時論躓之甲子

六月副都御史楊漣忝魏忠賢二十四大罪朝臣羣起

攻擊忠賢懼懇爌曰非公不能輯衆幸留意爌曰我不

能也孽自爾作尔自解之忠賢怒既得志謀逐曠假以
票擬不當降諭切責曠疏引咎求斥畧曰臣以謏劣備
負中書詰戎宜先營衛而觀兵肘腋無能紆宵旰之憂
忠直尚稽冀召還而榜掠朝堂無能回雷霆之怒以至後
先多官之斥諭旨中出之變在聖世祇肅紀綱乃中外
懼興黨禍而臣既不能先時深念有調劑之方又不能
臨事挺持為封還之懇此皆罪狀之大且重者請亟褫
臣官仍治臣罪為輔弼溺職之戒疏入忠賢益惡之遂
傳上旨曰卿親承顧命當天公盡職乃歸非於上退有

後言今復悻悻求去着馳驛回籍時璫逆顯著曠獨投
閒可謂先幾之哲李魯生復叅論之謂三年莫展一籌
坐削奪且捕及家奴追贓寃擬幾罹大禍崇禎改元欽
召復相正人多所倚重袁宗煥東江一案錢龍錫罷曠
以閣務既同分宜引罪連章乞休大用未竟天下惜之
孫承宗高陽人甲辰榜眼官少宗伯以談兵拜輔府兼
閣學累加少師乙丑楊維垣疏糾柳河之役蘇兆先繼
劾之皆璫意也遂回籍己巳起家督師鎮通州庚午加
太傅

李標高邑人錢龍錫華亭人俱丁未進士周道登吳江人戊戌進士劉鴻訓長山人癸丑進士皆以館選游歷翰林天啟中同遭璫錮丁卯即位之初以人望起田間同陞禮部尚書兼東閣大學士屢奉召對向用頗殷戊辰冬御史吳玉奏劾樞臣王在晉因及張慶臻改勅事以主使中鴻訓上諭標等曰卿如何不奏祖宗有法朕不敢私也標等再三申辨以國體爲重且曰臣等四人事同一體若鴻訓有罪臣等亦皆有罪於是鴻訓草職而道登得請既而欽定逆案告成黨人啣龍錫主其事

標贊成之借言東江失事龍錫寔授計袁崇煥又嘗薦之甚力故崇煥處以極刑而龍錫鐫秩更遣戍標亦去位

何如寵桐城人乙未舉進士未廷試戊戌選入中秘旋歸養登籍後強半林下戊辰官禮部尚書召對稱旨因大拜周延儒當國權勢日盛如寵以座主門生引退回里迨延儒放歸上念如寵清慎復召入閣辭不出天下高之

錢士升嘉善人丙辰狀元以南京禮部侍郎召入閣蓋

異數也丙子四月武生李璉請搜括巨室助餉士升擬
下之法司上不聽士升上言比者借端倖進實繁有徒
而璉乃倡爲縉紳豪右輸官籍沒之法此衰世亂政而
敢陳於聖人之前小人無忌憚至此且所惡於富者兼
併小民耳郡邑之有富家亦貧民衣食之源也以兵荒
之故歸罪富家而籍沒之此秦始皇所不行於巴清漢
武帝所不行於卜式者也此議一倡而亡命無賴之徒
相率而與富家爲難大亂自此始矣時溫體仁以上欲
通言路竟改擬仍切責士升以密勿大臣即欲要譽已

足致之毋庸汲汲又經歷吳化鯤許奏士升弟士晉體
仁亦擬嚴旨士升遂乞罷許之士升性和易與物不忤
而嚴正之氣自在故璫熾灼天之日家食數年及登政
府又恬淡不久於位

文震孟長州人壬戌狀元清標絕世有先祖徵仲之風
焉爲孝廉三十年名聞海內固已物望咸歸矣及第後
首疏斥璫幾中危法輔臣韓爌力救之僅落職尋以璫
修前隙廢黜編氓隱居吳下戊辰環召累官少詹乙亥
七月以進講春秋稱旨特簡入閣一時士大夫相慶得

人然非溫體仁意也會給事許譽卿補南太常吏部尚書謝陞難之遂疏糾譽卿震孟擬旨止奪譽卿俸體仁不肯震孟作色擲筆曰即削籍無害體仁夕揭上而震孟朝罷何吾駟嘆息於閣中亦同去國論者謂朝陽之瑞一鳴驚人鷓鴣爲之扼其吭可慨也夫

張至發淄川人辛丑進士由知縣官刑部侍郎己亥獄得上意改禮部辦事東閣戊寅回里辛巳同周延儒賀逢聖復召辭不出至發性平恕中立不倚終其身不樹黨黨人亦相與安之東山不起時爲之亦志爲之也

賀逢聖江夏人丙辰榜眼爲人清介不競進以資叙官禮部尚書丙子欽取入閣戊寅回里辛巳復召入朝同

周延儒謝陞蒙上降拜逢聖感南北之倥偬無以報稱君父又與延儒不合以病告歸歸未久賊陷武昌逢聖死之

范景文吳橋人癸丑進士清貞端亮內行醇備自其束髮時便以天下爲己任筮仕東昌司李平刑敬獄多所平反山東嘗大飢景文條行荒政全活億萬人徵入爲吏部獎恬抑競海內翕然稱之乙丑典選疏請清仕路養士氣以勵廉耻杜請託奸人眈眈側目之時相魏廣

微以鄉曲多方招致將芟除異己者景文侃侃爭執義
不為徇李魯生薦同邑兒女親王建泰同年張九賢魏
忠賢許以部屬起用景文謂二臣一以不謹一以貪察
處力持職掌不肯下停之汪慶百例擢副使璫下部以
吏科起又有添註少卿之旨景文曰職掌無此推竟以
副使登啟事二魏恚甚盛氣待之會景文病歸却執永
錮不出而其父官南繕部即強項不拜逆祠禍且不測
未幾崇禎御極起家太常開府中州以勤王功陞兵部
侍郎鎮昌平丹晉南京右都御史兵部尚書獻賊蹂躪

江北賴景文調護陵京無恙己卯疏救御史成勇坐私
黨削職壬午召為刑部尚書癸未改工部甲申正月進
東閣辦事闖賊逼京師景文請駕南遷先奉太子撫軍
江南廷議未果都城陷景文死之

宰相列傳二

徐光啟

方逢年

吳姓

李建泰

何吾騶

謝陞

魏藻德

方岳貢

劉宇亮

魏炤乘

徐光啟上海人甲戌進士生而穎秀有敏悟嘗精天文曆數之學因星變陳言裨益政治上心識之官翰林壬申入閣有宗禎曆書行世未久卒於位

何吾騶香山人己未進士由庶常官禮部侍郎癸酉陞尚書入東閣與溫體仁不甚合乙亥致仕

劉宇亮綿竹人己未進士丁丑以吏部侍郎進東閣戊寅請纓改兵部尚書賜尚方劔督師時大帥左良玉敗

河南賊於內鄉上聞其步兵淫掠切責之宇亮不自安
因告病回籍

方逢年遂安人壬戌進士歷官少詹戊寅陞禮部尚書
入東閣嘗以編脩典試湖廣策問數千言皆切時政魏
忠賢深怒之遂削奪益嚴氣正性如此入閣後不合時
宜數月即罷相

謝陞德州人丁未進士由知縣行取吏部官郎中不附
時局累至尚書有清譽獨與何吾騶文震孟相忤時論
爲之不平丙子冬上命指奏數年銓政大弊覆奏不稱

旨因語責之曰爾部職專用人推舉不效乃云綱目太
密使中外束手且平時陞轉必優京卿甲科及稱京卿
未必勝外官甲榜未必勝乙榜如此游移豈大臣實心
體國之道於是陞罷職已卯春上以保舉考選奉行不
實復召陞陞一切條用新法卓異則蘇州知府陳洪謚
以逋賦削籍松江知府方岳貢以逋賦奪官考選則請
命貢士併歲貢二百六十二人俱補部寺司屬以及推
知上是之遂進東閣辦事壬午元旦召入殿廷親承降
拜四月給事倪仁禎上言臣初拜官例謁閣臣言及兵

餉陞曰皇上自用聰明察察為務天下俱壞位極人臣
敢歸罪天子如此上怒命削陞籍

魏炤乘滑縣人丙辰進士由知縣歷官兵部侍郎已卯
入東閣天啓中疏薦周士樸以糾織監宜用士樸一事
楊漣所引為魏忠賢罪者也璫意大拂以為市恩勒令
回籍遇潘士良於德安士良感額曰余已為管察而來
婦失身不可贖矣炤乘曰何不早退士良有慚色炤乘
果矯矯以潔白稱

吳姓興化人癸丑進士由知縣行取御史卒未奉命賈

金賑陝西饑荒招撫流盜七千餘人授官兵部侍郎壬
午枚卜上震怒處分李日宣等乃以姓為禮部尚書兼
東閣大學士既而闖賊猖獗上命姓督師辦賊久之以
逗留遣戍

魏藻德通州人庚辰狀元召見於文華殿問遘隅多警
何以報仇雪耻對曰使大小諸臣皆知所耻則功業自
建先後媿媿數百言更自陳戊寅城守功上心識之工
部主事李振聲請限品官占田如一品田十頃屋十間
其下遞減下部議藻德之遂寢卒巳十月請設裕國

足民竒謀異勇科上然之隨諭朝臣咨訪徵辟以稱破
格旁求之意十一月請禁朝臣私探內閣通內侍於是
待漏者俱露立毋敢入直舍癸未五月以侍讀學士入
閣辦事請命勛臣子弟親騎射六月召見諸生蔣臣於
中左門臣言鈔法曰經費之條銀錢鈔三分用之納銀
賣鈔者以九錢七分為一金民間不用以違法論不出
五年天下之金錢盡歸內帑矣給事馬嘉植糾正之藻
德力寢其議甲申二月進禮部尚書總督河道屯練往
濟寧會有言各官不可令出出即潛逃遂止不遣京師

陷後賊迫脅獻金自勒而死藻德以書生新進受知甚
殷國朝文臣早達無出其右者

李建泰曲沃人乙丑進士歷官少詹癸未入東閣甲申
正月李自成僭號改元投偽牒於兵部約戰上憂之臨
朝而嘆曰諸臣無能為朕分憂哉建泰進曰主憂如此
臣敢不竭力願以家財佐軍北召甘肅寧夏之兵外連
羌部召募忠勇勦寇立功名否亦內守西河扼控延安
使賊不得東渡上悅曰卿若行朕當倣古推輪行之閱
數日建泰出師上以特牲告廟廷授節劍法駕御正陽

門設宴作樂親賜卮酒曰先生之去如朕親行建泰頓首啟行上目送之是日大風揚沙占不利行師建泰肩輿不數武杆折識者危之既出都道聞山西烽火甚急家已破貨財無以佐軍進退失措逗留畿內二月師過東光不輯士民閉城自守建泰怒攻三日破之三月建泰上書請駕南遷願奉太子先行上召廷臣議撫軍江南給事光時亨大聲止之廷臣遂不敢復言賊至保定建泰已病卧中軍郭中傑繼城而降賊入城城守御史金毓峒全家死難而建泰被執

方岳貢谷城人壬戌進士由戶部主事爲松江知府有政聲在郡十五年以逋賦奪官壬午起陞漕運副使癸未入覲上諭各官薦將材稱旨擢副都御史因上言四事清言路以收人心定推遷以養廉耻責吏治於荒殘儲將材於部位上納之尋拜東閣大學士甲申二月進戶部尚書兼兵部總督漕運屯練濟寧未果京師陷被刑不食死

宰相列傳三

成基命	錢象坤	鄭以偉
孔貞運	黃士俊	林鈺
傅冠	程國祥	范復粹
姚明恭	張四知	蔣德璟
黃景昉	丘瑜	
以上十四人合		

成基命大名入丁未進士錢象坤會稽籍山陰人辛丑進士並已巳入閣鄭以偉上饒人辛丑進士壬申入閣以上皆由庶吉士孔貞運句容人己未榜眼黃士俊順德人丁未狀元林鈺同安籍龍溪人丙辰探花並丙子入閣傅冠進賢人壬戌榜眼丁丑入閣程國祥上元籍歙縣人甲辰進士由知縣歷官戶部尚書范復粹黃縣

人已未進士由推官歷任大理寺少卿並戊寅入閣姚
明恭蘄州人已未進士張四知費縣人壬戌進士並已
郊入閣蔣德璟壬戌進士黃景昉乙丑進士並晉江人
壬午入閣丘瑜宜城人乙丑進士甲申入閣以上皆庶
吉士其生平仕宦烜赫一時無關大節不悉書

宰相列傳四

黃立極
李國權

施鳳來
來宗道

張瑞圖
楊景辰

黃立極元城人甲辰進士天啟中以禮部侍郎入東閣
與施鳳來張瑞圖等同附魏忠賢尸位養奸為正人君
子所耻丁卯錦州奏捷三殿告成各叙功立極實首倡
之致忠賢子弟倖安平東平之爵而封王及兩功並封
之議猶未已也朝臣增級賜金濫觴無紀宮保尚書都
憲常僕幾於車載斗量而錦衣無坐處矣且二功謝恩
之日即鼎湖攀髯之日也崇禎登極後立極知罪無所
容因乞骸骨朝廷仍以元輔隆重之予告加太保廕子

一人尚寶司丞又明年京察被處

施鳳來平湖人丁未榜眼張瑞圖晉江人丁未探花李國楷高陽人癸丑進士同歷官禮部尚書東閣大學士大工成並加少保兼太子太師瑞敗後鳳來瑞圖俱被察典刊名逆案而國楷倖免

來宗道蕭山人甲辰進士楊景辰晉江人癸未進士同官翰林院學士錦州捷報疏稱魏忠賢功德揄揚鋪張惟呼舞蹈以為朝臣倡崇禎初循資入閣旋以公論漸彰各得間住

宰相列傳五

周延儒 溫體仁 薛國觀 楊嗣昌

周延儒宜興人癸丑狀元歷任禮部侍郎崇禎初召對廷臣上目視之曰常時召對卿等當面別無一言只有這官奏了幾句今自奏職名已巳冬入閣辦事癸酉正月宣府巡視太監王坤奏劾延儒乞罷不允左副都御史王志道上言王坤內監不宜侵輔臣上召羣臣於平臺謂志道曰遣用內臣原非得已何議論之多也志道奏曰坤劾輔臣舉朝皇皇為紀綱法度之憂臣為紀綱惜非為諸臣惜也上曰廷臣於國家大計不言惟因內

督師係癸
未年

臣在鎮不利奸弊乃借坤䷁要挾誠巧佞也復詰至再
延儒曰志道非專論內臣實責臣等溺職上色稍霽曰
職掌不脩沽名立論何堪憲紀立退志道延儒遂放歸
辛巳四月復召延儒入朝初丹陽監生盛順及虞城侯
氏共歛金屬太監莫乘間圖延儒再起禮部主事吳昌
時力謀之果得再相壬午元旦召延儒及賀逢聖謝陞
入殿曰古帝王皆宗師道御等朕之師也宗社奠安惟
諸先生是賴命東向立上降座西向揖之延儒愧謝四
月命延儒督師會天氣漸炎兵不戢而退延儒乃奏捷

班師加太師時人譏之曰出關一月無消息昨日元戎
報捷來既而臺省交章論延儒受賄縱敵上額之九月
誅兵部尚書陳新甲延儒為營解曰國法大司馬兵不
臨城不斬上變色曰他邊疆即勿論僂辱我親藩七不
甚於薄城乎延儒為之汗下癸未五月科道郝綱蔣拱
宸何綸劾論吏部郎中吳昌時禮部郎中周仲璉竊附
延儒行私納賄延儒天下之罪人昌時仲璉又延儒之
罪人也延儒罷七月召山東兵備雷演祚面質總督范
志完繼兵行賄演祚因奏延儒招權納賄諸狀上怒即

遠其幕客董廷獻尋誅志完徵廷儒聽勘廷儒當中外
交誼之日不能爲上畫一籌然受眷特深故其罷內監
撤廠衛甚易諸璫日夜伺隙媒孽上俱不信廷儒益忽
之迨行邊之後上意稍移諸璫乃盡發其蒙蔽至是聖
怒不可回廷儒遂賜死方廷儒之再召也門生張溥馬
世奇以公論感動之盡反前轍向之所排更援而進之
上亦虛已以聽溥既沒世奇遠權勢而廷儒左右皆昌
時仲璉輩以至於敗

此處抽出應燬溫體仁傳一篇

薛國觀韓城人已未進士由推官行取給事側身門戶
嘗叅喬允升游士任熊明遇正人多側目之歷官僉都
御史丁丑以溫體仁援入東閣上頗向用之己卯考選
科道吳昌時首擬吏科疏上上自手定先後示不測昌
時得禮部主事謂國觀所爲恨之庚辰六月擬諭失旨
勒令閑住上嘗語國觀朝士婪賄對曰使廠衛得人朝
士何敢黷貨時東廠太監王化民在側汗出浹背於是
日偵其陰事既而被叅削籍給事袁愷再疏劾之併尚

武清廢長
子許其弟
多藏金顧
入宮充餉
非借也

書傳永淳侍郎蔡奕琛俱下鎮撫司訊又下都御史葉
有聲於獄皆以通賄國觀也株連甚衆國觀疏辯袁愷
誣劾出吳昌時之意上不聽辛巳八月國觀賜死籍其
家國觀性褊刻急於功名自僉憲驟登政府欲自結於
上會上憂國匱因導以借餉曰外則縉紳臣等任之內
則戚畹非出自獨斷不可微以李武清為言遂密旨借
四十萬金李氏盡鬻其所有追比未已戚畹人人自危
遠皇子病衆倡為九蓮菩薩之言云上薄待外戚行天
折且盡大悔懼國觀又忤化民遂敗國觀事發於東廠

而昌時實啟其機昌時甥王陞彥以通賄籍沒臨刑呼
此舅氏所致我若有言恐累名教其後昌時坐敗亦伏
於此

楊嗣昌武陵人庚戌進士由教授歷官宣大總督丙子
奪情起復為兵部尚書丁丑十一月疏請限勦賊之期
令各撫鎮分任斷截要害地方提兵合勦當上旨戊寅
四月熒惑星見嗣昌上言月食火星猶幸在尾內則陰
宮外則陰國皇上修德召和必有災而不害者戶部主
事李鳳鳴和其說給事何楷解學尹互糾其謬上不問

六月召嗣昌入閣辦事仍署兵部上命大禮大慶暨傳制頒詔諸大典不與其朝講召見如常何楷劾嗣昌忘親上切責之先是吏部會推閣員止及詞臣資叙上命併及在籍守制者蓋嗣昌為陳新甲地也已而特召新甲以兵部侍郎提督宣大學士黃道周上言朝廷即乏人豈無一定策效謀者而必非常破格以奉不祥之人上不憚召見群臣於平臺道周極詆嗣昌嗣昌謂臣不生於空桑豈遂不知父母但明旨迫切不敢有違乃道周自言不如鄭鄴以杖杖毋行同臬獍道周又不如

之何言綱常也道周曰臣言文章不如鄭鄴上叱其朋比脩撰劉同升編脩趙士春御史林蘭友各疏救道周而劾嗣昌俱謫調有差己卯六月張獻忠降而復叛羅汝才九營俱起應之左良玉追及大敗而還失其符節事聞良玉戴罪殺賊牟督師熊文燦職初文燦與嗣昌深相結納嗣昌冀文燦成功以結上知文燦既債嗣昌內不自安因請督師南征是時方借鄭鄴以傾道周讞駁愈重遂磔鄴於市而賜嗣昌尚方鈔併銀印金牌蟒紵緋絹無算九月嗣昌陛辭上賜宴後殿手觴三爵賦

詩禁行出師之隆莫過於十月嗣昌至襄陽入文燦軍中逮文燦入京師論死棄西市以塞人口謂良玉丁倚以滅賊請拜爲平賊將軍復奏辟永州推官萬元吉爲監紀庚辰二月給嗣昌萬金賜斗牛服又海驪棗騮馬各一金鞍二嗣昌調兵會勦以陝西興安一路失期斬其監軍殷太白三月嗣昌軍次荆門立大勦營五月羅汝才七股盡入蜀嗣昌檄元吉扼夔門與石砭女帥秦良玉兵合嗣昌又以左兵進止多不從節制乃密疏於朝請以副將軍賀人龍易之人龍所挾陝兵驍勇善戰以多擁降兵思得總兵名號以統轄之川撫邵捷春爲懇嗣昌嗣昌已諾後因中制不果人龍怨而良玉疑自是兵勢日離嗣昌憤事不可爲旋有病明年襄城破守將李萬慶死之嗣昌亦以病卒聞

宰相列傳六

吳宗達 王應熊
蔡國用 陳演

吳宗達武進籍直興人甲辰探花庚午入閣與溫體仁
同相六年多所依順庶吉士鄭士鄧繼母為宗達女弟鄧負
才名氣節薄於事舅宗達恨之因揭其杖母烝妾聳體
仁入達逮鄧下獄仕路皆為不平故宗達畏人言以告

王應熊巴縣人癸丑進士由庶常官少宗伯癸酉為周
延儒溫體仁引薦入閣人望未孚明年御史吳履中劾
監視內臣併叅應熊因求去不允又明年言路相狎以
為模稜後身應熊遂免壬午周延儒與廷臣異議復薦

應熊貪鷙
非模稜也

以自代資爲援也已而陞見上覺之應熊請老賜金幣
還癸未召至上不見因辭還

蔡國用金谿人庚戌進士以中書舍人考選御史天啟
中嘗以條議詆葉向高孫承宗趙南星等又薦趙興邦
興邦亦疏稱之曰名臣頗爲仕途所非笑後官工部侍
郎上方欲枚卜大典僅屬詞林因及國用等以示破格
既入閣漫無表見惟庸庸養福而已未幾卒於位

陳演井研人壬戌進士累官詹事庚辰進東閣壬午六
月召羣臣於中左門詰問吏部尚書李日宣曰會推大

典自當天公矢慎昨枚卜濫舉徇情如房可壯張三謨
宋汝等並與推舉豈大臣之道又責吏部章正宸河南
道張煊閣臣力爲救解不聽明日下日宣等六人於獄
尋成邊削籍有差初演爲所親廖惟一試御史考核託
可壯爲之地不納煊又加厲焉遂外調演憾之適上游
西苑演從密奏之故有是譴演庸碌無能見上憂秦寇
謂不足慮甲申二月賊勢漸逼京師演不自安乃求去
三月京師陷李自成榜朝臣獻金演獻至銀三萬兩金
三千兩珠三斗仍受刑不可忍以斃

論曰黨人之禍自古已然漢固已唐次之而宋為甚跡其所為雖諸臣賢奸較異要亦人主之明暗有不同也至明末則不然臣非甚惡君又至賢無亡國之理而失天下乃更速則黨禍之中於人心其酷烈即不如前代而久之成痼一旦殞絕不可復甦其積漸使然也蓋自四明當國其時東林諸君子以道學名於世浙人起而爭之而黨以立齊楚四方之士趨風捕影轉相舍射而黨以盛其根原則國本也其發端則挺擊也紅丸也移宮也是為三大案借三案者為察典為年例為封疆而

總之以東林浙黨為分分之而不欲其合者德清也合之而不能不分者福清也皆政地也政地不足恃乃求奧援奧援成而政地若授之柄焉然則煽禍者璫也而使之煽禍者則政地也丁卯以前流毒已甚戊辰以後公道大明然而門戶相承衣鉢相禪邪正雖殊其為植黨則一是故蒲州韓爌高陽孫承宗繼福清葉向高去而崑山顧秉謙南樂魏廣徵進矣元城黃立極平湖施鳳來晉江張瑞圖高陽李國樞附顧魏者也反正之初未及去援及蕭山來宗道晉江楊景辰矣高邑李標吳

江周道登華亭錢龍錫長山劉鴻訓起自田間讓蒲州
當國以光贊中興逆案定而黨人側目借袁崇煥以饒
舌而華亭得嚴譴蒲州不安其位矣高陽出鎮得匪虐
拘乎文華召對宜興周延儒實左袒烏程溫體仁其流
派不正廷臣不免周章未幾而相繼進用人皆疑之疑
則猜忌生而嫌隙見然宜興得桐城何如寵調劑人樂
其易烏程以進武進吳宗達依傍人畏其亮樂其易者
姑且安之不過欲其去畏其亮者羣起而攻之惟恐其
不去而竟不去彼大名成基命山陰錢象坤上饒鄭以

偉上海徐光啟不徒伴食反為得利之漁人桐城之再
召也宜興所以善後而引高不出固知黨惡之必復也
嘉善錢士升以破格召於南與巴縣王應熊香山何吾
騶異地而同拜冷眼者從壁上觀以為上意識不測抑
由秉國者立中道焉迨長洲文震孟以經筵受 知正人
君子彈冠相慶稱主上聖明而一言不合於烏程不難
併香山並驅而駕人言可畏何王且危之况嘉善乎獨
是同一去也長洲為可惜嘉善則有名矣淄川張至發
以讞獄稱旨句容孔貞運順德黃士俊江夏賀逢聖龍

溪林鈞以科名樹望先後同升而烏程旋罷或謂上意漸移已非一日黨之不終禍也天實為之何意韓城薛國觀借援願結主知當南北倥傯之際輒開羅織之機奔走士大夫使之救過不給即同時輔弼如進賢傅冠上元程國祥遂安方逢年金谿蔡國用黃縣范文粹無從見一長叅一議而天下大勢壞如土崩綿竹劉宇亮以不得已請纓我則不武何濟於事武陵楊嗣昌之奪情有自來也白馬清流幾乎再見上即不推轂亦安能晏然處之以謝當世哉蘄州姚明恭費縣張四知井研

陳演以資叙滑縣魏炤乘以知兵進德州謝陞以舊銓再起上頗自謂得人又稍稍失意於韓城若將置焉而黨人以黷貨中之上方切齒通賄遂不顧一韓城示警而武陵以任事不終告是內外無人也思惟舊人可以明無罪於朝廷惟張至發與賀逢聖而最受主知則莫如周召或弗至至或弗久肯為朕竭股肱力者不惜腹心寄之天子無常師師保傳何庸不拜赫赫明明維大師之功厥惟欽哉汝毋負予一人也而不然也下之結黨者日以多而上之伺黨者日以密黨不足以自固也

昔之黨異者攻異已今之黨同者攻同類黨適足以殺
身耳晉江蔣德璟黃景昉可以並登通州魏藻德可以
驟進興化吳甡可以分拮据之任巴縣王應熊可以資
胼胝之勤而不能禁中人之媒孽塞言路之曉張蓋至
是而法網愈密人心愈險天下之事勢已不可爲主上
之英明亦無所用辟如病入膏肓形體雖具藥餌有餘
而元氣索然僅延時刻縱有盧扁何以云救哉其後曲
沃李建泰谷城方岳貢宜城立瑜之拜黨人已不及衡
若^河橋范景文者固黨人所願得而甘心焉而獨以一死

狗社稷其得力於東林道學之旨豈其微哉而謂黨云
乎哉

崇禎五十宰相傳初藁

此係倦圃師初時手稿重訂之後原稿久置高閣零殘失次其孫承宗韓爌李國樞三傳竟不可得矣今與重訂本較對事蹟詳畧間有不同特並錄之以俟論世之君子採焉康熙 申夏

五同里受業門人陶越謹識并列目如左

黃立極

張瑞圖

施鳳來

來宗道

楊景辰

李標

劉鴻訓

周道登

錢龍錫

文震孟

成基命

周延儒

溫體仁 吳宗達 鄭以偉 徐光啟

錢士升 何如寵 錢象坤 王應熊

何吾騶 林 鈞 黃士俊 張至發

孔貞運 賀逢聖 劉宇亮 傅 冠

薛國觀 程國祥 楊嗣昌 方逢年

蔡國用 范復粹 姚明恭 張四知

魏昭乘 謝 陞 陳 演 蔣德璟

黃景昉 吳 牲 魏藻德 李建泰

方岳貢 范景文 丘 瑜

丁卯

黃立極 元城人 甲辰科少 施鳳來 平湖人 丁未科少 傅

張瑞圖 晉江人 丁未科少 李國樞 高陽人 癸丑科少 傅

來宗道 蕭山人 甲辰科十 楊景辰 晉江人 癸丑科十二

李 標 高邑人 丁未科十 劉鴻訓 長山人 癸丑科十二

周道登 吳江人 戊戌科十 錢龍錫 華亭人 丁未科十二月

戊辰 戊戌科十 錢龍錫 華亭人 丁未科十二月

施鳳來 四月回籍 張瑞圖 四月回籍

李國樞 四月加太保兼吏尚五月 回籍後卒贈太傅謚文敏

來宗道 四月加少保兼太子太保改

楊景辰 四月加太子太傅進

李標 六月首輔進文淵閣加太子

劉鴻訓 二月到太子太保十二月進文淵閣

周道登 四月到太子太保十二月進文淵閣

錢龍錫 閏四月到太子太保進文淵閣

韓廣 蒲州人乙未科六月

已巳

韓廣 李標

周道登 正月致仕 錢龍錫 十二月削職下獄

孫承宗 高陽人甲辰科十 錢象坤 山陰人辛丑科十二

成基命 大名丁未科十二 周延儒 宜興人癸丑科十二

何如寵 桐城人乙未科十二

庚午

韓廣 正月回籍 李標 二月回籍

孫承宗 月回籍

錢象坤 七月進文淵閣加太子太保

成基命 七月加太子太保進文淵閣

成基命 九月回籍卒贈少保謚文穆

周延儒 七月進文淵閣加太子太保

何如寵 七月進文淵閣加太子太保

溫體仁 二月進武英殿戶書加少保

吳宗達 六月任東閣太子太保

辛未 六月回籍辛巳四 周延儒十一月加少保

錢象坤 六月回籍辛巳四 周延儒十一月加少保

何如寵 十二月加少保八月回籍後

溫體仁 再召不出卒贈太傅謚文端 吳宗達

壬申

周延儒 三月加少傅進建

溫體仁 二月加少保戶部尚

吳宗達 三月加少保進武

鄭以偉 上饒人辛丑科五月任

徐光啟 上海人甲辰科五月

癸酉 六月召何如寵不至 溫體仁十一月進建極殿加

周延儒 六月回籍 溫體仁十一月進建極殿加

吳宗達 十月進建極加少 鄭以偉六月卒贈太子太保

徐光啟 九月進文淵閣加太子太 謚文恪

何吾駒

香山人乙未科十一月任東閣

王應熊

巴縣人癸丑科十一月任東閣

錢士升

嘉善人丙辰科十一月任東閣甲戌二月入直

甲戌

溫體仁

二月進中樞殿加少師

吳宗達

二月進中樞殿加少師

何吾駒

太子太保文淵閣加太子太保

王應熊

子太保文淵閣加太子太保

錢士升

尚書二月入直月陞

乙亥

溫體仁

吳宗達

五月予告回籍丙子四月卒贈太傅

錢士升

王應熊

九月回籍

何吾駒

十月致仕

張至發

淄川人辛丑科七月任東閣

文震孟

長洲人壬戌科七月任東閣十月回籍

丙子

溫體仁

錢士升

四月回籍

林 鈞

同安人丙辰科正月任東閣六月卒贈尚書謚文

張至發

六月陞尚書十一月加太子太保

孔貞運

句容人己未科六月任東閣十一月進文淵閣加太子太保

賀逢聖

江夏人丙辰科六月任東閣十二月加太子太保

黃士俊

順德人丁未科六月任東閣十一月加太子太保

丁丑

溫體仁 三月加太保一品六年考滿加左柱國六月回籍

張至發 二月進文淵閣六月首揆

孔貞連

賀逢聖 二月進文淵閣

黃士俊

二月加少傅進文淵閣十二月回籍 劉宇亮 綿竹人己未科八月任東閣

傅冠

進賢人壬戌科八月任東閣 薛國觀 韓城人己未科八月任東閣

戊寅

張至發

四月回籍

孔貞連 六月回籍

賀逢聖

三月回籍

劉宇亮 六月進文淵閣九月兼兵書督勦

傅冠

六月進文淵閣八月回籍 薛國觀 六月陞禮部尚書

楊嗣昌

武陵人庚戌科六月任東閣改禮書仍管兵部事

程國祥

歙縣人甲辰科六月任東閣改禮書

方逢年

遂安人壬戌科六月任東閣陞禮書十二月回籍

蔡國用

金谿人庚戌科六月任東閣陞禮書

范復粹

黃縣人己未科六月任東閣陞禮部左侍郎

己卯

劉宇亮

三月削籍

薛國觀

六月進文淵閣加太子太保戶書十一月進武英殿加少保吏書

楊嗣昌 八月督師

程國祥 三月致仕辛巳卒

蔡國用 六月進文淵閣加太子太保戶書

范復粹 十一月進武英殿加少保吏書

姚明恭 正月加尚書六月進文淵閣戶書加太子太保十一月進武英殿加少保吏書

張四知 貴縣人壬戌科加太子太保戶書十一月進文淵閣加太子太保戶書十一月進武英殿加少保吏書

魏炤乘 涇縣人丙辰科五月進文淵閣加太子太保戶書

庚辰 薛國觀 六月賜死 蔡國用 六月卒贈太保

范復粹 姚明恭 五月回籍

張四知 加太子少保禮書 謝陞 德州人丁未科五月進武英殿加太子少保

魏炤乘 加太子少保禮書 陳演 井研人壬戌科五月進武英殿加太子少保

辛巳 張四知 子少傅

范復粹 五月回籍 張四知 子少傅

謝陞 八月進武英殿加少保吏書

魏炤乘 十一月進文淵閣 陳演 尚書 月進文淵閣禮部

周延儒 加太子少傅戶書 張至綏 二月召病不至

賀逢聖 二月召進武英殿

壬午 加少保戶書

周延儒

賀逢聖 六月回籍

張四知 五月加少傅吏書七
謝陞 四月草職

魏炤乘 二月回籍

陳演 子少保戶書殿加太

蔣德璟 晉江人壬戌科六
月任東閣

黃景昉 晉江人己丑科六月
任東閣

吳姓 興化人癸丑科六
月任東閣

王應熊 十二月召

癸未

周延儒 五月免十二月
死

陳演 十一月進中極殿加
太子太保吏書

蔣德璟 五月進文淵閣加
太子

黃景昉 五月進文淵閣加
太子

吳姓

王應熊 二月進文淵閣加太子少保
十月至未任回籍

李建泰 曲沃人乙丑科十
一月任東閣

甲申

陳演 籍四月流賊拷死
月加少保二月回

蔣德璟 三月回籍
魏藻德 二月加兵書督師天
津旋止三月賊拷死

李建泰 正月加兵書督師
三月為賊所執

范景文 吳僑人癸丑科二月
任東閣三月狗難

丘瑜 宣城人乙丑科二月
任東閣三月賊拷死

崇禎五十宰相傳 初藁

黃立極

黃立極字中五元城人萬曆甲辰進士改庶吉士授簡
討陞贊善歷諭德庶子掌司經局尋陞少詹禮部侍郎
協理詹事府事天啟乙丑八月陞尚書同蒲田周如盤
貴池丁紹軾涿州馮銓入閣十月加太子太保戶部尚
書歷加左柱國少傅進武英建極中極殿為首輔充要
典總裁立極在位無所短長惟與忠賢柔梓情深隨事
獻諛擬旨務極褒贊時有內相外相之稱丁卯八月上

以信王登極禮遇諸輔立極等擬上詔款皆允行陵工
肇啟立極等皆有捐助二十九日常朝立極至稍遲踉
蹌入班隨具疏引咎上諭以廟享在邇正宜表率有位
着即出贊襄十月初六日加大保蔭一子中書舍人紹
新街給誥命疏辭太保改加正一品俸隨送子黃英若
入監十一月因戶部主事劉昂卿疏糾再疏引疾不允
十二月國子監監生胡煥猷上疏巨奸當除而輔奸者
不可一日容於聖明之側輔奸者誰閣臣黃立極等是
也四輔不減二亮當申國憲立極等具疏辨妄以平勃

狄仁傑不得已為辭識者笑之十二月立極予告猶賜
金帛蔭一子尚寶司丞遣行人護還里已巳定逆案照
不謹例間住

張瑞圖

張瑞圖字無畫號二水晚號果亭晉江人萬曆丁未進
士殿試一甲第三授編脩歷陞少詹丙寅赴闕晉禮部
侍郎七月加禮部尚書入內閣辦事旋晉少保少傅少
師兼太子太師吏部尚書中極殿大學士瑞圖為人和
柔無他才能工書畫雖居揆地惟以吮毫為事魏忠賢

生祠碑瑞圖所書凡擬旨駢麗贊頌之辭皆出其手丁卯上登極後監生胡煥猷疏糾瑞圖疏辨上溫語留之戊辰二月副施鳳來主會試三月引疾去己巳定逆案以結交近侍革職贖徒辛巳三月卒年七十二隆武時復原官賜謚文隱子潛夫庚辰進士授簡討

施鳳來

施鳳來字羽皇號存梅平湖人中萬曆甲午鄉試丁未會試第一殿試第二授編脩庚戌分較禮闈癸丑乞終養乙卯丁內艱戊午起南少司成庚申陞宮允天啟元

年辛酉入都陞宮諭兼侍讀學士管理誥勅壬戌復分較禮闈奉差致祭荆府癸亥陞少詹事甲子轉正詹七月陞禮部右侍郎充講官乙丑轉左侍郎掌翰林院事丙寅七月晉禮部尚書入閣辦事丁卯歷加少保少傅左柱國少師兼太子太師吏部尚書八月相視熹宗山陵旋為監生胡煥猷所糾上疏辨因求退不允黃立極去正首揆戊辰主會試言路諷之歸三月引疾乞休加太傅蔭一子璽丞馳驛遣行人護歸里己巳定逆案追論黨附照不謹例閔任壬午八月卒於家年八十

來宗道

來宗道字子繇號路若蕭山人萬曆甲辰進士丁卯十二月枚卜上以諸臣姓名為十闈入金瓶中親拈之得六人宗道居第四以太子太保禮部尚書兼東閣大學士戊辰四月考滿加少傅陞戶部尚書進文淵閣六月予告己巳二月列媚璫案革職徒三年納贖為民初宗道與張瑞圖不入逆案中上問二臣何故不久燬對曰無事實上曰瑞圖以善書為逆瑞書祠額碑文宗道題崔呈秀卣卹典稱在天之靈其罪更甚

楊景辰

楊景辰字載甫號侗孩晉江人萬曆癸丑進士丁卯十二月由禮部右侍郎陞禮部尚書兼東閣大學士戊辰四月加太子太保進文淵閣六月准馳驛回籍己巳二月列媚璫案間任五月十一日卒

李標

李標字汝立號建霞高邑人萬曆丁未進士丁卯十二月由禮部右侍郎陞尚書兼東閣大學士戊辰六月首揆十二月韓爌召至辭首揆己巳二月皇長子生恩加

太子太保進文淵閣庚午正月首揆二月立東宮加少保改戶部尚書進武英殿四月予告有傳

劉鴻訓

劉鴻訓字默成號青嶽長山人萬曆癸丑進士丁卯十二月以少詹事起陞禮部尚書兼東閣大學士戊辰以增勅書事為御史吳玉所糾戊戌代州有傳

周道登

周道登字文邦號念西吳江人萬曆戊戌進士丁卯十二月由太子賓客禮部右侍郎起陞尚書兼東閣大學

士己巳正月閣住癸酉年卒

錢龍錫

錢龍錫字稚夫號機山華亭人萬曆乙未進士丁卯十二月由南京吏部侍郎為民起陞禮部尚書兼東閣大學士己巳以袁崇煥事下獄擬辟中允黃道周論救辛未五月成定海衛

龍錫乙未會試時夢衣蟒玉有卞加頸上忽為人奪去後果驗

文震孟

文震孟字文起號湛持乙亥七月以禮部右侍郎兼東閣大學士十月忤溫體仁閒住丙子九月卒己卯復原官予卹壬午正月贈尚書諭祭甲申十月南都謚文肅有傳

成基命

成基命字靖之號忠予後改名靖之太名人萬曆丁未進士己巳十一月由吏部左侍郎陞尚書兼東閣大學士庚午四月首揆七月叙邊功加太子太保進文淵閣九月廿一日予告乙亥七月卒贈少保謚文穆有傳

周延儒

周延儒字玉繩號挹齋宜興人萬曆癸丑進士第一廷試第一授修撰丙辰會同考辛酉江西主考己巳月特旨陞禮部尚書兼東閣大學士庚午七月叙城守功

加太子太保進文淵閣九月首揆十二月叙實錄成加
少保改戶部尚書進武英殿辛未會試主考壬申三月
叙陵功加少傅改吏部尚書進建極殿癸酉六月廿四
日予告已卯六月存問辛巳二月以原官召九月十四
日至壬午二月考滿加少師進中極殿辭允七月叙東
省勦逆功加銜辭允癸未三月初八日行邊五月十四
日准告病六月提問十一月到京勒自盡追贓十二萬
金

溫體仁

溫體仁字長卿號員嶠烏程人萬曆戊戌進士授編脩
辛丑會試同考歷司業諭德庶子少詹事壬戌陞禮部
右侍郎甲子轉左丁憂丁卯十二月起陞南京禮部尚
書崇禎戊辰二月轉北十一月以枚卜不預糾錢謙益
庚午六月十二日以原官兼東閣大學士十一月叙實
錄加太子太保進文淵閣壬申二月叙陵工加少保改
戶部尚書進武英殿癸酉六月廿五日首揆十一月考
滿加少傅改吏部尚書進建極殿甲戌會試主考二月
叙登州功加少師進中極殿丁丑三月叙雲鎮功加太

保一品六年考滿加左柱國六月二十日子告戊寅十
二月卒贈太傅謚文忠弘光甲申有旨奸佞異常貽毒
深遠着削去蔭謚以昭公道隆武乙酉復蔭謚

吳宗達

吳宗達字上于號青門武進籍宜興人萬曆辛丑舉禮
部甲辰廷試第三人授編脩宗禎庚午六月十二日由
禮部尚書兼東閣大學士十一月叙實錄加太子太保
進文淵閣壬申三月叙陵工加少保改戶部尚書進武
英殿癸酉冬考滿加少傅改吏部尚書進建極殿甲戌
會試主考二月叙登州功少師進中極殿乙亥五月廿
八日子告丙子四月卒贈太傅

鄭以偉

鄭以偉字子器號方水上饒人萬曆辛丑進士宗禎壬
申五月由禮部尚書兼東閣大學士十月考滿加太子
少保癸酉六月十五日卒於位贈太子太保謚文恪
以偉喜讀書多著述票擬非其所長嘗曰吾富於萬卷
而窮於數行焉後生所邀時有掛冠之志

徐光啟

徐光啟字子先號玄扈上海人萬曆甲辰進士授簡討
癸丑同考丙辰陞左贊善轉諭德中允少詹事己未十
一月邊警光啟自陳請纓以少詹事兼河南道御史管
練兵事務辛酉養病癸亥十二月起禮部右侍郎乙丑
五月間住崇禎戊辰二月起京官己巳四月加太子賓
客專脩曆事六月兼管練兵事庚午六月陞禮部尚書
協理部事壬申五月以原官兼東閣大學士癸酉九月
考滿加太子太保進文淵閣十月初九日卒於位贈少
保謚文定有傳

錢士升

錢士升字抑之號御冷又號塞菴嘉善人萬曆乙卯順
天第八丙辰廷對第一癸酉九月由南京禮部侍郎陞
尚書兼東閣大學士丙子四月回籍有傳

何如寵

何如寵字康侯號芝岳桐城籍婺源人萬曆乙未舉禮
部戊戌廷試改庶吉士授編修陞中允庶子國子監祭
酒詹事禮部侍郎乙丑請告崇禎元年起吏部侍郎協
理府事六月陞禮部尚書己巳十二月廿七日以原官

入內閣庚午七月北兵退叙功加太子太保進文淵閣
十二月叙實錄成加少保改戶部尚書進武英殿辛未
會試主考八月初二日予告癸酉六月周延儒罷復召
入閣遣行人屠象美敦趣就道行至淮上以疾辭屢疏
始得請蓋以溫體仁方得君如寵不欲與共事也歸卧
金陵甲戌二月叙登州功加少傅改吏部尚書進建極
殿辛巳卒

錢象坤

錢象坤字弘載號麟武山陰人萬曆辛丑進士選庶吉
士九月丁內艱丁未授簡討癸丑會試同考陞諭德知
制誥甲寅請養歸旋丁外艱己未補右春坊右諭德兼
翰林院侍講轉庶子泰昌元年九月陞詹事府少詹事
兼侍讀學士天啟元年正月充經筵日講官二月陞詹
事充纂脩兩朝實錄副總裁壬戌陞禮部右侍郎協理
詹事府事尋以病歸丙寅推南京禮部尚書內旨間住
崇禎元年三月起掌詹事府事己巳十二月廿七日以

禮部尚書兼東閣大學士庚午七月叙功加太子太保
進文淵閣十一月叙實錄成加少保進武英殿辛未六
月請告馳驛庚辰十二月廿四日卒訃聞旌賜卹甚渥
給事中葛應斗彈大金吾張道濟事連御史袁弘勛
通兵部尚書梁廷棟有疏糾袁御史水佳胤遂應募
糾梁甚力佳胤疏未下廷棟先致辨佳胤疑象坤洩
漏糾并及之象坤五疏堅求去得肯回籍調理給事
中吳執御傳朝佐文疏致惜焉
象坤有子鳳覽

王應熊

王應熊字飛熊號春石巴縣人萬曆癸丑進士崇禎癸
酉十月由禮部左侍郎陞尚書兼東閣大學士乙亥九
月以泄旨為科臣何楷所糾回籍己卯六月存問壬午
十一月初五日以前官召用癸未十月至京准辭回籍
乙酉起義川中隆武遂加少保兵部尚書武英殿大學
士

何吾騶

何吾騶字龍友號象岡香山人萬曆己未進士癸酉十

一月初五日由禮部侍郎陞尚書兼東閣大學士乙亥
十一月為許譽卿與溫體仁擬票不合旨着致仕乙酉
隆武以原官召用丙戌五月至閩用為首輔加少保兼
太子太師吏兵二部尚書謹身殿大學士賜以銀章曰
輔佐中興八月踉蹌回籍仕於永曆為給事中金堡等
彈去之

林 鈞

林鈞字實甫號鶴胎龍溪籍同安人萬曆丙辰廷試第
三授編脩天啟丁卯任司業監生陸萬齡倡建魏瑄祠

於太學側具簿醪金勒鈞題字鈞以筆林倒忠賢聞之
即批削奪崇禎甲戌七月召用丙子正月陞禮部左侍
郎兼東閣大學士六月初二日卒贈尚書謚文穆

黃士俊

黃士俊字亮垣號玉崙順德人萬曆丁未進士崇禎丙
子六月由禮部尚書兼東閣大學士十一月叙功加太
子太保丁丑二月叙雲鎮功加少傅進文淵閣十二月
初六日予告已卯六月存問
士俊歸時父母俱在堂稱觴侍養人以為榮

丙戌六月閣以厚官召士俊不及赴而闕敗

張至發

張至發字聖鵠號憲松淄川人萬曆辛丑進士歷知縣御史大理寺丞順天府丞光祿寺卿刑尚_部右侍郎乙亥陞禮部左侍郎兼東閣大學士外官枚卜自至發始丙子六月加禮部尚書十一月叙邊功加太子太保丁丑會試主考二月叙雲鎮功加文淵閣六月廿日首揆戊寅四月十二日予告已卯六月存問辛巳二月以原官召病辭旋卒贈少保

孔貞運

孔貞運字開仲號玉橫至聖裔句容籍建德人萬曆己未廷試第二崇禎丙子六月二十日由吏部侍郎陞禮部尚書兼東閣大學士十一月叙功加太子太保丁丑會試主考二月叙雲鎮功進文淵閣戊寅四月首揆六月十一日予告已卯六月存問

賀逢聖

賀逢聖字克繇號對揚江夏人萬曆丙辰進士父時泰博極羣書自守介特嘗貧餓著事小錄見志逢聖穎銳

夙成自癸卯鄉薦後蹇滯公車署應城教諭丙辰授編
脩壬戌同考歷左中允司業丁卯爲民思陵登極九月
復原官戊辰轉南祭酒陞少詹事丁外艱哀毀廬墓辛
未六月起詹事未至拜禮部右侍郎癸酉陞吏部左侍
郎乙亥陞禮部尚書丙子六月以原官兼東閣大學士
十二月叙邊功加太子太保丁丑二月叙密雲功進文
淵閣逢聖學問淵邃持心始終不渝丙丁之際北邊多
警與首揆張至發議論多忤戊寅三月予告己卯存問
辛巳二月召用入京數月即移疾去獻賊逼武昌逢聖

以巨艦載其家出湖至墩湖中流鑿破舡底舉家十二
口俱沉癸未五月十三日也尸沉三十七日不壞遂以
禮改葬事聞命優卹甲申六月南都謚文忠乙酉隆武
贈太師立專祠謚文孝

公於獻賊入城後具衣冠投水死無巨艦入湖事又
尸沉八月始出

劉宇亮

劉宇亮字季龍號蓬玄綿竹人萬曆己未進士丁丑八月十四日由吏部左侍郎陞禮部尚書兼東閣大學士戊寅六月進文淵閣十一月邊警自請視師改兵部尚書督師己卯正月初二日東省陷以失事革職

傅冠

傅冠原名元範字元甫號寄菴進賢人天啟壬戌進士廷試第二授編修丁丑八月十四日陞禮部尚書兼東閣大學士崇禎戊寅六月進文淵閣八月廿三日予告乙酉

入闈見朝自任江右恢勦命為督師閣部三月餘尚駐
邵武諫官忝之有云日上三竿尚擁美童而卧安肯出
關乃罷之

薛國觀

薛國觀字家相號賓廷韓城人萬曆乙未進士授萊州
推官歷給事中丙寅三月差勘毛文龍功罪己巳三月
與許譽鄉沈惟炳許奏准終養後補都科陞太常寺少
卿左僉都御史丁丑八月十四日陞禮部左侍郎兼東
閣大學士戊寅六月加尚書己卯二月廿六日首揆六

月叙邊功加太子太保改戶部尚書進文淵閣十一月
叙城守功加少保改吏部尚書進武英殿庚辰會試主考
六月以用中書王陞彥通問行賄事下鎮撫司國觀尋
賜私宅自書次年三月田產籍沒入官不及延儒十分
之一

刑科袁愷孫承澤俱有疏叅蔡奕琛行賄國觀以中
書陞彥口供為據奕琛草職追贓遣戍

庚辰武清侯李誠銘卒次子國瑞嗣爵其庶長子憤
恨上疏詭稱侯家產四十萬願無分而以充餉上商

之國觀國觀以為可從遂票旨行之其後李氏匿金不納而鬻所有田庄至折賣其屋猶不足十之一戚畹人人自危為之控免上怒革其侯爵國瑞尋卒其後皇五子病亟時見孝定皇后來言此甚切上大恐急停止追比復封國瑞子存善為侯方七歲悉還其所納金而皇五子竟薨遂心恨國觀時國觀已為科臣袁愷所劾回籍久矣復遣緹騎逮入京於八月初三日御史郝晉勒自盡國觀臨死曰吳昌時殺我其實不然也奉旨籍沒其家頗貧

程國祥

程國祥字仲若號我旋上元籍歙縣人萬曆甲辰進士歷知縣南吏部主事北禮部主事吏部主事員外郎崇禎辛未筮大計陞大理寺丞少卿太常寺卿南通政司南工部右侍郎丁丑陞北戶部侍郎戊寅六月陞禮部尚書兼東閣大學士己卯三月致仕卒己卒

楊嗣昌

楊嗣昌字子微號文若武陵人萬曆庚戌進士授杭州教授轉南京國子監博士戶部主事員外郎中崇禎戊

辰陞河南副史叅政辛未陞監軍關內道按察使壬申
四月陞右僉都御史巡撫山東甲戌九月陞兵部右侍
郎總督宣大乙亥十月外憂去丙子二月又繼母喪十
月奪情兵部尚書舉朝爭之不聽戊寅六月陞禮部尚
書兼東閣大學士仍管兵部事七月叙陝西三鎮功蔭
錦衣百戶十二月北警降級管事己卯三月革職冠帶
辦事四月廿九日解部務回閣辦事六月北兵退叙功
復原職八月以原官兼兵部尚書督勦八省流寇賜尚
方劍庚辰四月叙提加太子少保辛巳三月朔卒於荆

州鎮或云飲藥壬午三月叙甘州功贈太子太保後奉
旨擬罪

方逢年

方逢年字書田號獅巒遂安人天啟壬戌進士選庶吉
士甲子授編修主湖廣試發策有巨璫大蠹語觸忠賢
怒乙丑降三級調外用丙寅革職丁卯思陵登極以原
官起用崇禎戊辰入都己巳陞左中允誥勅撰文庚午
陞左諭德充日講官辛未會試問考士申陞右春坊右
庶子癸酉掌司經局印主順天鄉試甲戌陞南國子監

祭酒乙亥陞詹事府少詹事丙子給假葬親丁丑陞禮部右侍郎協理詹事府事充纂修兩朝實錄副總裁戊寅六月進禮部尚書兼東閣大學士十一月以票擬劉之鳳事上不悅旨着冠帶閒住甲申南京登極詔復原官南和伯方一元疏薦不報乙酉魯藩名為首輔六月紹興不守被執九月見殺

蔡國用

蔡國用字正甫號靜菴金谿人萬曆庚戌進士由中書御史大理寺丞少卿太僕寺卿工部左侍郎戊寅六月

陞禮部尚書兼東閣大學士己卯叙邊功加太子太保改戶部尚書進文淵閣十一月叙城守功加少保改吏部尚書進武英殿庚辰會試主考六月十九日卒於位贈太

范復粹

范復粹字清六號王坡黃縣人萬曆己未進士由推官御史大理寺丞少卿太常寺卿戊寅六月陞禮部左侍郎兼東閣大學士己卯正月加尚書叙邊功加太子太保改戶部尚書進文淵閣十一月叙城守功加少保改

吏部尚書進武英殿辛巳五月予告

姚明恭

姚明恭字玄卿號崑斗蘄水人萬曆乙未進士巳卯五月由禮部侍郎陞尚書兼東閣大學士十一月叙城守功加太子太保改戶部尚書進文淵閣庚辰五月予告

戊寅六月戶科給事中耿始然糾其與袁鯨比暱用陳吾猷過付

張四知

張四知字伯廉號貽白費縣人天啟壬戌進士巳卯六

月初十日由禮部右侍郎陞尚書兼東閣大學士十一月叙城守功加太子少保改戶部尚書進文淵閣辛巳叙恩加太子少傅進武英殿壬午五月考滿加太子太保改吏部尚書七月予告

戊寅六月四知為詹事工科給事中張淳糾其祭酒時諸穢行不當濫與林卜

魏炤乘

魏炤乘字仲玖號瑤海涇縣人萬曆丙辰進士歷知縣給事中崇禎戊辰陞僉都御史巡撫江西丁丑丁憂起

工部侍郎戊寅調兵部京營戎政己卯五月陞禮部尚書兼東閣大學士十一月叙城守功加太子太保改戶部尚書進文淵閣壬午二月初九日予告

謝陞

謝陞字伊晉號青墩德州人萬曆丁未進士歷知縣吏部主事員外郎太常寺少卿太僕寺卿吏部左侍郎南京吏部尚書調北部庚辰五月加太子太保改禮部尚書兼東閣大學士八月考滿加少保改吏部尚書進武英殿又叙恩加少傅進建極殿壬午四月因洩款北事

為言官所劾草職為民甲申五月練兵起義奉濟王旋棄濟王降清入為內院十二月以偽太子與刑部員外錢鳳覽互爭鳳覽坐絞同死者八人後見鳳覽於朝門嘔血仆地扶歸卒南都六月聞其倡義亦加上柱國少師充山陵使往北都

陳演

陳演字發聖號贊皇井研人天啟壬戌進士庚辰五月由禮部右侍郎陞左侍郎兼東閣大學士辛巳叙恩加尚書進文淵閣癸未五月叙城守功加太子太保改戶

部尚書進武英 八月會試主考甲申二月寇逼乞歸
未出都國難為也殺死

蔣德璟

蔣德璟字若柳號八公晉江人天啟壬戌進士壬午六
月十九日由禮部侍郎陞尚書兼東閣大學士癸未叙
城守功加太子少保改戶部尚書進文淵閣甲申三月
初九日予告乙酉隆武起原官丙戌八月卒 有傳

黃景昉

黃景昉字太穉號東厓晉江人天啟乙丑進士壬午六

卷之三

三





